

Franciscus
Hogenber-
gius.
Simon No-
ucllanus.

Thau. Qui precor hi? Pan. est alter bonus Hogēbergus: at al-

Tha. Estne Nouellanus? Pan. Ille est. his Iupiter & quus ter.

Pro meritis, cunctas urbes cognoscere, terras

Metiriq; oculis dedit, in quacunq; repostas

Parte orbis, quocunque alio sub Sole iacentes.

His quoque, si Phæbo & Musis dilectus amœnis

Tertius accedet, spectata Ortelius arte

Eximius, deerit nihil: at tibi cuncta, vel uno

Lumine, lustranti, toto orbe errare licebit.

EIVSDEM FRONTISPICII
EXPLICATIO.

Thaumastes.

V Erum age dic, hac est quæ præstantissima moles,

Ardua, nata recens operoso è marmore, cælo

Ductum opus augustum, cunctis memorabile seclis:

Cui binæ assurgunt solido ex adamante columnæ,

Perpetua, immanes, admiranda arte columnæ,

Regifico extructa sumptu? quæ Diua? quid isti,

Quid sibi, fare, volunt? namque hic fulgentibus armis

Indutus, galea, clypeoque insignis, & hasta,

En stat mole sua grauis, imperterritus: alter,

Huic licet, at nudus reiecta veste, minetur?

Præterea, quid id est, flammis crepitantibus hic quod

Ingentem syluam ramis frondentibus ignes

Pascere conspicio? mirari, accurrere nudos

Mortales? hic effosis habitare latebris,

Stramineasque casas illic componere? Pan. dicam.

Principio genus humanum, discriminis omnis

Atq; usus expers, inter spelæa ferarum,

Quadrupedumq; domos, horrentia lustra, trahebat

Vitam infelicem in syluis, sine legibus ullis

More feræ, victumq; dabant immitia corna,

Glandifera quercus, spinis rubus asper: & herbæ

Pabula præbebant, vulsis radicibus: acrem

Stinguebantq; sitim fontes, riuicq; fluentes.

Mortales inter nudos Apheleia, decora

Non ullo cultu, simplex at, nudaque & ipsa

Versabatur inops, cunctarumq; indiga rerum.

Atq; adeo, dum fortè sedent, & dulcia lenti

Ocia agunt, & securi per mollia ludunt

Gramina sub dio: dum magna furentibus Austris

Exercet syluas tempestas, turbida torquens

Nubila, & arborei vasto cum pondere rami

Incumbunt ramis, ventique frequentibus urgent

Motibus inter se ramos magno impete, ab omni

Parte: latent validis quæ abstrusæ feruida truncis,

Corticibusq; intus flammæ semina, crebro

Trita